

ҮЙЛЧИЛГЭЭНИЙ ДААЛГАВАР

1. Ерөнхий шаардлага:

- 1.1. Үйлчилгээ үзүүлэгчийн дүрмийн сан нь 5 тэрбум төгрөгөөс багагүй байх.
- 1.2. Нөөц сан нь 3 тэрбум төгрөгөөс багагүй байх
- 1.3. Сүүлийн 2 жил (2022 он, 2023 он)-д нөхөн төлбөр олголтын дундаж дүн нь 5 тэрбум төгрөгөөс багагүй байх, зэрэг санхүүгийн чадварын талаарх мэдээллийг тус бүрээр гаргаж ирүүлэх.
- 1.4. Даатгалын үйлчилгээ үзүүлэгч нь мэргэжлийн даатгалын компанитай байгуулсан давхар даатгалын гэрээтэй байх.
- 1.5. Даатгалын үйлчилгээ үзүүлэгч нь Монгол Улсын 21 аймагт салбар нэгжтэй эсвэл төлөөлөгчтэй байх, түүнийг нотлох баримт бичиг ирүүлсэн байх.
- 1.6. Даатгалын үйлчилгээ үзүүлэгч нь 24 цагийн шуурхай албатай байх.
- 1.7. Даатгалын үйлчилгээ үзүүлэгчийн гүйцэтгэх удирдлага болон даатгалын ажилтан нь 5-с дээш жилийн ажлын туршлагатай даатгалын мэргэжлийн анги төгссөн байх.
- 1.8. Гэнэтийн ослын даатгалын гэрээ нь 1 жилийн хугацаанд хүчинтэй байна.
- 1.9. Нэг ажилтны даатгалын үнэлгээ: 60,000,000.00 /жаран сая/ төгрөгөөс багагүй байна.
- 1.10 2024-2025 онд “Монголросцветмет” ТӨҮГ-ын “Бор-Өндөр” УБҮ, Шижир алт АҮ-ийн ажилтныг гэнэтийн ослын даатгалд хамруулна.
- 1.11. Үйлчилгээ үзүүлэгч нь гэрээ байгуулсны дараа “Бор-Өндөр” УБҮ, Шижир алт АҮ-т даатгуулагч ажилтнуудад зориулан даатгалын мэргэжлийн ажилтнаар дамжуулан танилцуулга, сургалт хийнэ.
- 1.12. Тендерт оролцогч нь Санхүүгийн зохицуулах хорооноос төлбөрийн зохистой харьцааг тодорхойлсон албан бичгийг ирүүлнэ.

2. Тусгай шаардлага:

2.1. Даатгалын эрсдэлд

- Байгалийн бүх төрлийн эрсдэлүүд
- Хуй салхи, цасан ба шороон шуурга,
- Үер, газар хөдлөлт, хөрсний нуралт, гулгалт цөмрөлт,
- Аадар бороо, ширүүн мөндөр, аянга,
- Гал түймэр, усанд живэх,
- Шавар намагт шигдэх, наранд цохиулах элдэв хорт ургамалд хордох зэрэг эрсдэл;

2.1.2 Үйлдвэрлэл-техникийн холбогдолтой эрсдэлүүд

- Машин, тоног төхөөрөмж, багаж хэрэгслэлтэй харьцах үеийн эрсдэл,
- Цахилгааны хүчдэл, дэлбэрэлт, цахилгаанаас үүдэлтэй галын шаталт, цахилгаанаас үүдэлтэй галын түлэгдэлт, цахилгаан болон өндөр хүчдэлийн шонгоос унах
- Сантехник, дулааны шугам сүлжээний гэмтэл зэргийн нөлөөлөл,
- Химийн хорт ба аюултай бодис, шатахуун, түлш, бензин, шатах тослох материал, тэсэрч дэлбэрэх бодис, тэсэлгээний хэрэгсэл, цацраг, биологийн идэвхт бодис, хөдөлмөр хамгааллын аюулгүй ажиллагааны дүрэм зөрчигдсөнөөс үүсэх эрсдэл

- Хорт, хөнөөлт болон эсвэл өндөр шатамтгай төрлийн газрын тосны химийн болон химийн бодист хордох, цацраг идэвхт бодис буюу туяаны нөлөө зэрэг эрсдэл
 - Аливаа осол, аваараас үүдэн гарах эрсдэл зэрэг
- 2.1.3 Ахуйн холбогдолтой эрсдэлүүд /даатгуулагчийн амьдардаг орон сууц, гэр, зуслан, хувийн болон нийтийн байр зэрэг ахуйн орчинд тохиолдож болох гэнэтийн ослоуд хамаарна./
- Элдэв зүйлд цохиулах, хавчуулагдах,
 - Өндрөөс унах, унаж бэртэх, хальтрах, түлэгдэх, хөлдөх, осгох
 - Элдэв хорт хий, хоол, эмийн зүйлээс хордох,
 - Зам тээврийн осолд өртөх,
 - Санамсаргүйгээр алдагдсан бууны суманд өртөх
 - Усанд санамсаргүй унах болон живэх зэрэг эрсдэл;
- 2.1.4 Мал амьтдын нөлөөллөөр үүсэх эрсдэлүүд
- Морь, малаас унах, чирэгдэх, өшиглүүлэх, тийрүүлэх, хазуулах,
 - Араатан амьтан болон нохойд уруулах, бариулах,
 - Хортой шавьж, могойнд хатгуулах зэрэг эрсдэл;
- 2.1.5 Гуравдагч этгээдээс үүдэлтэй эрсдэлүүд /шүүх, эрх бүхий байгууллагын дүгнэлтээр нотлогдсон/
- Бусдад хорлогдох, зодуулах, бууны сум, хутга, мэс зэрэг хүйтэн зэвсэгтэй дайралтад өртөх зэрэг эрсдэл;
- 2.1.6 Ил ба далд уурхайн нуралт, цөмрөлт, гулсалт, өрөмдлөг тэсэлгээний зэрэг эрсдлүүд,
- 2.1.7 Зам тээврийн хөдөлгөөнд оролцох үеийн эрсдэл
- Замын гарц гарам болон замын хажуугийн явган хүний зам дээр явж байх үеийн осол,
 - Автомашин, мотоцикл, унадаг дугуй зэрэг техник хэрэгслээр зорчих явцад тээврийн хэрэгсэл мөргөлдөх, онхолдох зэрэг осол багтана.

2.2. Даатгуулагч ажилтны эрүүл мэндэд ямар нэгэн хохирол учирсан, үйлдвэрлэлийн осол, хурц хордлогыг судлан бүртгэх дүрмийн дагуу ослын акт үйлдэгдсэн тохиолдол бүрд нөхөн төлбөр заавал олгогдоно.

2.3. Гэнэтийн ослоос хойш 12 сарын хугацаанд даатгуулагчийн амь нас, эрүүл мэндэд учирсан хохирлоос хамааран даатгалын үнэлгээнээс дараах хэлбэрээр нөхөн төлнө. Дараах хувь хүртэл нөхөн төлбөрийг тэтгэмж хэлбэрээр олгоно.

Үүнд:

- Даатгуулагч амь насаа алдсан 100%
- Хөдөлмөрийн чадвараа бүрэн алдсан 90%

Даатгуулагчийн хөдөлмөрийн чадвар хагас алдалтыг эмч нарын зөвлөгөөнөөр:

- 51-69 хувь гэж тогтоосон тохиолдолд 80%
- 10-50 хувь гэж тогтоосон тохиолдолд 70%

2.4. Даатгалтай ажилтан нь даатгалын гэрээнд заасан эрсдэлийн улмаас гэнэтийн осолд орж тодорхой хугацаанд хөдөлмөрийн чадвараа алдсан бол түүний эмнэлэгт хэвтсэн, амбулатори болон гэрээр эмчлүүлсэн эмнэлгийн хуудсыг

үндэслэн ажлын хоногоор тооцсон хугацаанаас хамааруулан дор дурдсан хувиар даатгалын үнэлгээнээс бодож нөхөн төлбөрийг олгоно. Үүнд:

- 1-15 хоногийн хугацаагаар эмчлүүлсэн бол 10 хувиас багагүй
- 16-30 хоногийн хугацаагаар эмчлүүлсэн бол 15 хувиас багагүй
- 31-45 хоногийн хугацаагаар эмчлүүлсэн бол 25 хувиас багагүй
- 46-60 хоногийн хугацаагаар эмчлүүлсэн бол 30 хувиас багагүй
- 61-75 хоногийн хугацаагаар эмчлүүлсэн бол 45 хувиас багагүй
- 76-90 хоногийн хугацаагаар эмчлүүлсэн бол 55 хувиас багагүй

2.5. Шаардлагатай нөхцөлд эмнэлгийн анхны тусламж үзүүлэх, эм тарианы зардалд зориулан даатгалын үнэлгээнээс 3.0 хувиар бодож, тохиолдол тутамд нөхөн төлбөр олгоно.

2.6. Даатгуулагч нас барсан буюу хүндээр гэмтсэн тохиолдолд яаралтай шилжүүлэн тээвэрлэхэд олгох нөхөн төлбөрийг тээвэрлэлтийн зардлын хэмжээгээр тооцож олгоно.

2.7. Даатгуулагч тал нөхөн төлбөр авахад шаардлагатай баримт бичгийн бүрдлийг хангаж даатгагч талд өгнө.

2.8. Даатгагч тал нөхөн төлбөр авах баримт бичгийг хүлээн авснаас хойш хуанлийн 14 хоногийн дотор нөхөн төлбөрийг төлж барагдуулна.

2.9. Гэрээ байгуулснаас хойш даатгуулагч ажилтан халагдсан, ажлын байр өөрчлөгдсөн тохиолдолд захиалагчийн хүсэлтээр даатгалын гэрээний ажилтны нэрс бүхий хавсралтад тухай бүрд нь өөрчлөлт оруулж байх болно.

2.10. Цахим и-мэйлээр шинэчилсэн нэрсийг улирал бүр хоёр тал харилцан баталгаажуулж болно.

2.11. Гэнэтийн ослын даатгалд хамрагдах ажиллагсдын нэрсийн жагсаалтыг гэрээний хавсралтаар батална.

2.12. Энэхүү техникийн тодорхойлолтын нөхцөл бүрийг гэрээнд заавал тусгана.

№	Үйлдвэрийн нэр	Ажилтаны тоо
1	“Бор-Өндөр” УБҮ	1400
2	“Шижир алт” АҮ	160
3	Захиргаа	2
НИЙТ:		1562